

quod Habessini circumcisionem suam à Judæis (post Christum exhibitum) non didicerint, quodque multæ aliæ gentes, sine scientiâ originis, jam à multis seculis eam usurparerint, laudatus *Ludolfus*, partim in Hist. sua L. III. c. I. n. 19. partim in Comm. ad eum Historiæ locum. n. 3. p. 268. Quod autem Reges Habessinorum, Christiani licet, *Reges Israelticos* se vocant; nihil cum superstitione Judæorum habet commercii: & rationem denominationis expositam habemus in Historiâ Æthiopicâ Ludolfianâ L. II. c. 3. n. 34.

CAP. III.

Observationes practicas continens.

§. I.

Qui Christoverè addicti sunt, non tam nomina titulosque religionis affectant, quam religionis ipsius curam gerunt. Sic primi illi, discipulorum nomine contenti, inde credentes; mox à Christo Christiani appellati, tales quidem se suo studio atque opere probare conati sunt, de eligendo nomine singulari minus solliciti: ac Paulus cum *πειρωθεὶς τὸν Τάῦ Ναζωραῖον αἰρέοεται* diceretur; ita respondit, ut paucis diceret. secundum hanc viam, (rationem certæ religionis) quam illi heres in vocant, ita colo patrum Deum, ut credam omnibus, quæ in Lege Mosis & in Prophetis scriptæ sunt &c. v. 14. Ecce confessorem, ipsa simplicitate in affectata commendabilem! Atqui & maiores nostri, superiore seculo confessionem edere jussi, nullo quæsito titulo, fidei suæ rationem reddidisse contenti fuerunt. Et quamvis Ecclesiæ occidentalis doctrina, mores, ceremoniæ, regimen, tunc omnino reformatione opus habuissent, inque hac reformatione Nostri occupati essent, non tamen vel *Reformantium* vel *Reformatorum* nomen affectarunt, ambitiosum & invidiosum titulum illis relinquentes, qui verâ &

ne-